

autem crucis. De ipso in evangelio dicitur: 'Fili David, miserere mei'. Et iterum: 799  
 'Dabit tibi dominus Deus sedem David patris sui'. Ecce si secundum humanitatem <sup>Oct. Matth. 9, 27. Luc. 1, 32.</sup>  
 filius est David, sine dubio de adoptivo et servo Dei patris et ipsius filii et Spiritus  
 sancti adoptivus secundum humanitatem et servus esse creditur. Adoptivum dicimus  
 5 in sola forma servitutis humanae, non in gloria vel substantia divinae naturae.

'Proximus ille Deo est qui scit ratione tacere'<sup>1</sup>. Tu vero frater Albine, vide [ne]  
 similis sis levitis illis, quos in vetere testamento memorat dicens: 'Qui offerentes <sup>Lev. 10, 1. 2.</sup>  
 ignem alienum divina ultione percussi interiorunt'. Sicut et tu intromittis doctrinam  
 diabolicam, de sue<sup>a</sup> illum antiphrasium Beatum exorto<sup>b</sup>. Eloquia tua exterius  
 10 videntur esse melliflua et interius absinthio et felle amariora. Opera iustificas et  
 credulitate condemnas. Oleum tuum murcatum non impinguet caput nostrum. <sup>Cf. Ps. 140, 5.</sup>

Iterum<sup>2</sup> testimonia sanctorum patrum venerabilium Toletano deser-  
 vientium in missarum oraculis edita sic dicunt. In missa de coena Domini:  
 'Qui per adoptivi hominis passionem, dum suo non indulget corpori, nostro demum,  
 15 id est iterum non pepercit'. Item in missa de tertia feria paschae: 'Respice, Domine,  
 tuorum fidelium multitudinem, quam per adoptionis gratiam filio tuo facere dignatus  
 es coheredem. Item in missa de quinta feria paschae: 'Praecessit quidem in adoptione  
 donum, sed adhuc restat in conversatione iudicium'. Item ibi: 'Dignum et iustum  
 est, salutare nobis atque conveniens gratias agere, laudes impendere, intellegere  
 20 munera, vota deferre tibi, omnipotens pater, et Iesu Christo filio tuo, domino nostro,  
 qui pietati tuae per adoptivi hominis passionem quasi quasdam in praesentis populi  
 acquisitione manubias, cum non exierit e caelo, exhibuerit e triumpho'. Item in missa  
 de ascensione Domini: 'Hodie salvator noster per adoptionem carnis sedem repetiit  
 deitatis, hodie hominem suum intulit patri, quem obtulit passioni, hunc exaltans in  
 25 caelis, quem humiliaverat in infernis, his visurus gloriam, qui viderat sepulturam.  
 Item in missa sancti Sperati: Ingeniti Patris unigenite, filius Dei Spiritui sancto co-  
 aeternus et consubstantialis, qui ab arce sedis aetherae huius mundi infima petens  
 adoptivi hominis non horruisti vestimentum sumere carnis et ad liberationem fidelium  
 non es dedignatus in forma servi salva divinitate in statera appendere crucis et per-  
 30 ferre exitium sustulit mortis'. Item in missa defunctorum: 'Domine Iesu Christe, qui  
 vera es vita credentium, tibi pro defunctis fidelibus sacrificium istud offerimus, ob-  
 secrantes, ut regenerationis fonte purgatos et temptationibus mundi exemptos beatorum  
 numero digneris inserere et quos fecisti adoptionis participes, iubeas hereditatis tuae  
 esse consortes'. Nam et ipsi canimus in vigilia paschae beato Isidoro dicente<sup>3</sup>: 'In-  
 35 duit carnem, sed non exuit maiestatem, nostram substantiam expetens, sed propriam  
 non relinquens'.

Epistola Leonis ad Leonem augustum<sup>4</sup>, quod in una domini Iesu Christi  
 persona gemina sit deitatis et humanitatis adserenda natura. Quicumque ergo illi  
 sunt ita obcaecati<sup>c</sup> . . . . . nisi solos impios hereticos discrepare.

40 Sed et illud huic operi inserendum putavi, quod scriptura dicat: 'Revelabunt <sup>Iob 20, 27.</sup>  
 caeli iniquitatem eius, et terra consurget adversus eum'. Qui sunt isti caeli, nisi illi,

<sup>a</sup>) desuem *Querc.*; de sue *Frob.*    <sup>b</sup>) exortum *Querc.*; exorto *Frob.*    <sup>c</sup>) quae secuntur omisi.

1) *Catonis disticha* 3, 2. Cf. *Alc. advers. Elip. l. II c. 4* (p. 888): Dixisti: Proximus . . . tacere, te ipsum ex hac sententia tua castiga, ut taceas, quoniam melius est tacere quam noxia loqui, quia  
 45 multorum reus est sanguinis, qui multos a via veritatis avertit. 2) *Alc. advers. Elip. l. II c. 7*  
 (p. 891): Dum tuae infidelitati, o venerande frater, ex aliis ecclesiarum Christi doctoribus testes  
 defecerunt, subito Toletanos, ut ais, venerabiles patres protulisti et illorum in missarum solemnibus  
 orationes in auxilium tuae sectae adsumpsisti, cf. *Helfferich l. l. p. 95—99.* 3) *Nescio ubi.* 4) *Epist. 165*  
 c. 4—10 (*Opp. edd. Ballerini I, 1361—1379*), cf. *Advers. Elip. l. II c. 5* (p. 889): Quam epistolam  
 50 (sc. Leonis) tuis litteris propemodum totam quasi lumen caliginoso loco inferre voluisti. Atque utinam  
 ita te credere ostenderes, sicut in illius beatissimi doctoris litteris te legere agnovimus.